

**სს საქართველოს ბანკის მიერ სსიპ - ივანე ჯავახიშვილის სახელობის თბილისის
სახელმწიფო უნივერსიტეტის სტუდენტების სწავლის საფასურის დაფინანსების მიზნით
კანდიდატთა შერჩევის წესი**

1. სს საქართველოს ბანკის მიერ სსიპ - ივანე ჯავახიშვილის სახელობის თბილისის სახელმწიფო უნივერსიტეტის (შემდგომში - უნივერსიტეტი) სტუდენტების დაფინანსების მიზნით კანდიდატთა შერჩევის წესის მიზანია უზრუნველყოს კანდიდატთა შერჩევა და მათი სწავლის სემესტრული საფასურის დაფინანსება 2024-2025 სასწავლო წლის გაზაფხულის სემესტრში.
2. პირველ პუნქტში მითითებული სწავლის საფასურის დაფინანსების მიზნით კანდიდატები შეირჩევიან დამფინანსებლის მიერ გამოყოფილი თანხის ოდენობის - 12500 ლარის (გადასახადების ჩათვლით) ფარგლებში, აღნიშნული თანხის სრულ ამოწურვამდე. იმ შემთხვევაში, თუ მითითებული თანხა სრულად არ ფარავს დაფინანსებულთა სარეიტინგო სიაში უკანასკნელ ადგილას მყოფი კანდიდატის სწავლის სემესტრული საფასურის სრულ ოდენობას, კანდიდატი დაფინანსდება ნაწილობრივ.
3. იმ შემთხვევაში, თუ კანდიდატს საანგარიშო პერიოდში (2024-2025 სასწავლო წლის გაზაფხულის სემესტრი), მოპოვებული აქვს სრული სახელმწიფო სასწავლო გრანტი ან/და სხვა სახის სწავლის დაფინანსება იგი კარგავს ამ ბრძანების პირველ პუნქტში მითითებული დაფინანსების მიღების შესაძლებლობას. ხოლო, იმ შემთხვევაში თუ კანდიდატს საანგარიშო პერიოდში (2024-2025 სასწავლო წლის გაზაფხულის სემესტრი), მოპოვებული აქვს ნაწილობრივი სახელმწიფო სასწავლო გრანტი ან/და სხვა სახის სწავლის ნაწილობრივი დაფინანსება ამ წესში მითითებული დაფინანსების მოპოვება შეუძლია მხოლოდ სახელმწიფო სასწავლო გრანტის მაქსიმალურ სემესტრულ (1125 ლარის) ოდენობამდე.
4. სწავლის საფასურის დაფინანსების მიზნით საბოლოოდ შერჩეულ კანდიდატებს მონაწილეობის მიღება შეუძლიათ უნივერსიტეტის ბაკალავრიატის II-VIII, ერთსაფეხურიან საგანმანათლებლო პროგრამის მედიცინა II-XII და სტომატოლოგია II-X სემესტრის აქტიური სტატუსის მქონე სტუდენტს, რომლის საშუალო აკადემიური მოსწრების მაჩვენებელი (GPA) აღემატება 3.0-ს და რომლის მიერ დაგროვილი კრედიტების ოდენობა თითოეულ განვლილ სემესტრში არანაკლებ 25-ია.
5. კანდიდატთა შერჩევა იწარმოებს ორ ეტაპად. პირველი ეტაპი - განაცხადის (დოკუმენტაციის) გადარჩევა (თუ რამდენად აკმაყოფილებს კანდიდატი ამავე ბრძანებით დადგენილ კრიტერიუმებს), ხოლო მე-2 ეტაპი - გასაუბრება.
6. კონკურსის პირველ ეტაპზე შეირჩევა არაუმეტეს 21 სტუდენტი. იმ შემთხვევაში, თუ კანდიდატების რაოდენობა აღემატება 21-ს, მათ შორის უპირატესობა მიენიჭება წინა (2024-

2025 სასწავლო წლის შემოდგომის) სემესტრში მაღალი აკადემიური მოსწრების (GPA) მქონე სტუდენტს. თუ აკადემიური მოსწრების (GPA) მაჩვენებელი თანაბარია უპირატესობა მიენიჭება წინა (2024-2025 სასწავლო წლის შემოდგომის) სემესტრში მაღალი საშუალო ქულის მქონე სტუდენტს.

7. კონკურსის პირველ ეტაპზე შერჩეულ კანდიდატთა შორის წარმოდგენილი უნდა იყოს უნივერსიტეტის არანაკლებ 3 სხვადასხვა ფაკულტეტის სტუდენტი.

8. კონკურსის მე-2 (დასკვნით) ეტაპზე დასაფინანსებელი სტუდენტები შეირჩევიან გასაუბრების საფუძველზე.

9. გასაუბრების კომისიის წევრთა შემადგლებლობაში შედის სს საქართველოს ბანკის წარმომადგენელი მოწვეული წევრის სტატუსით.